

**ZAPISNIK
SA I KONSTITUIRAJUĆE SJEDNICE UPRAVNOG ODBORA
UDRUŽENJA POSLODAVACA U FBIH**

održane dana 21.04.2016. godine (četvrtak), sa početkom u 12:00 časova u prostorijama ASA Holdinga (Bulevar Meše Selimovića 16.)u Sarajevu.

Sjednici su prisustvovali članovi U.O.: Čengić Safudin, Čolak Kemal, Čolak Milenko, Ećo Suhad, Grapkić Ramiz, Hadžiselimović Eldin, Siniša Matutinović (po ovlaštenju Kemala Hrnjića), Hrvić Rusmir, Imamović Izet, Karahodžić Adisa, Kopruner Snježana, Marijan Željko, Peštalić Nurdin, Željko Marjanović (po ovlaštenju Primorac Vilim), Raspudić Marin, Skenderagić Nijaz, Slišković Tomislav, Smailbegović Adnan, Suton Ante,

Sjednici nisu prisustvovali članovi U.O.: Enisa Bekto i Kusturica Sanel koji su opravdali svoj izostanak.

Sjednici su pored članova UO prisustvovali i članovi ESV-a novog i starog sastava.

Ispred UP FBIH: Mladen Pandurević i Mersiha Jusić.

Predsjedavajući Upravnog odbora gđin. Safudin Čengić je predložio sljedeći:

DNEVNI RED

1. Izbor i imenovanje Predsjednika i dva potpredsjednika Upravnog odbora;
2. Izbor i imenovanje Izvršnog odbora;
3. Definisanje principa za vođenje pregovora i zaključivanje granskih kolektivnih ugovora;
4. Razmatranje i usvajanje materijala za sjednicu ESV (materijali će biti dostavljeni naknadno);
5. Tekuća pitanja;

Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Izbor i imenovanje Predsjednika i dva potpredsjednika Upravnog odbora UPFBIH;

Predsjedavajući Upravnog odbora gđin. Safudin Čengić je zamolio gđina. Mladena

Pandurevića, direktora UPFBiH da upozna prisutne o proceduri izbora da bi se mogao izvršiti izbor Predsjednika i dva potpredsjednika UO.

Gdin. Mladen Pandurević je ukratko upoznao prisutne sa odredbama 39. 40. i 41. Prečišćenog teksta Statuta UPFBiH, koje se odnose na imenovanje predsjednika i dva potpredsjednika UO, nadležnosti Predsjednika te uslove za imenovanje Predsjednika UO. Prema odredbi 39. Predsjednika i dva potpredsjednika UO UPFBiH bira UO iz svog sastava na period od 4. godine. Nadležnosti predsjednika su definisane u članu 41. Prečišćenog teksta Statuta a član 40. definiše da Predsjednik UO ujedno obnaša i funkciju Predsjednika UPFBiH te da Predsjednik UPFBiH ne može istovremeno biti i Predsjednik ili potpredsjednik jedne od granskih Udruženja niti predsjednik Udruženja koje je kolektivni član.

Vezano za kandidacionu proceduru upoznao je prisutne da su dostavljene 3. pismene kandidature. Pismene kandidature su dostavljene od strane Udruženja poslodavaca Kantona Sarajevo, Grupacije poslodavaca za drumski prijevoz pri UP FBiH i Grupacije poslodavaca ZE-DO Kantona. Sve navedene Grupacije odnosno Udruženja predlažu gđina Safudina Čengić za Predsjednika UO UPFBiH.

Također je istakao da ne postoje statutarne zabrane da svaki član UO na samoj sjednici može predložiti kandidata za UO, ali da to nije bila dosadašnja praksa.

Gdin. Čengić se zahvalio gđinu. Pandureviću i zamolio članove UO da se izjasne o prijedlozima ili daju nove prijedloge.

Gdin. Ramiz Grapkić je predložio Adnana Smailbegovića UTOK- za Predsjednika UO UPFBiH. Gdin. Željko Marjanović je predložio Milenka Čolaka, član UO ispred Lager Posušje za potpredsjednika, gđin Safudin Čengić je predložio Tomislava Sliškovića za potpredsjednika. Nurdin Peštalić je predložio gđina Rusmira Hrvića, član UO ispred Klas Sarajevo za potpredsjednika.

Nakon diskusije gđin. Safudin Čengić je konstatovao da za Predsjednika UO UPFBiH postoje dva prijedloga i to Adnan Smailbegović, UTOK i Čengić Safudin, Centrotans eurolines d.d. Sarajevo. Za potpredsjednike su predloženi Tomislav Slišković, Sarajevski Kiseljak, Milenko Čolak, Lager Posušje te Rusmir Hrvić, Klas d.d. Sarajevo.

Gdin Čengić je prije nego što se pređe na glasanje zamolio prisutne da se vodi računa da se prilikom izbora predsjednika i potpredsjednika vodi računa o regionalnoj i nacionalnoj zastupljenosti.

Gdin. Mladen Pandurević je prije nego što se pristupilo glasanju istakao da u skladu sa članom 43. Statuta je obavezan da napomene da prijedlog gđina. Adnana Smailbegovića, obzirom da je predsjednik UTOK-a nije u skladu sa članom 40. Statuta obzirom da predsjednik UO ne može istovremeno obavljati i funkciju predsjednika kolektivnog člana. Imajući u vidu da je UTOK kolektivni član UPFBiH te da je Adnan Smailbegović, Predsjednik

UTOKA dužan je upoznati prisutne da ukoliko se za predsjednika UO izabere Adna Smailebogović onda takvo imenovanje će biti u suprotnosti sa Statutom. Odnosno članovi UO se neće moći izjašnjavati o tom Predsjedniku, ali svakako je istako da je na UO da odluči o daljem izjašnjavanju.

Gdin. Smailbegović je upoznao prisutne da je podnio ostvaku u UTOK-u .

Gdin. Čengić je istakao da postoji problem oko izjašnjavanja te da na bazi usmene izjave ne može se prihvatiti ostavka gđina. Smailbegovića. U tom smislu predložio je dvije varijante ili da se izjašnjava samo o jednom prijedlogu ili da se izbori odgode dok se prepreke koje su formalno-pravne prirode ne otklone pa da se tada pristupi izboru Predsjednika i dva Potpredsjednika.

Gdin. Mladen Pandurević je u cilju da se ne dolazi u situaciju preglasavanja i nadglasavanja, ali obzirom da je gđin. Čengić na zahtjev članova UO pristao da obavlja funkciju predesjendika UO na 1. godinu kako ne bi došlo u pitanje dalji rad UPFBiH, predložio da se na ovoj sjednici izvrši izbor gđina Čengića na 1. godinu a da se u međuvremenu steknu uslovi za izbor gđina. Smailbogovića koji bi nakon 1. godine nastavio obnašati dužnost Predsjednika.

Gdin Safudin Čengić j etakođer istakao da je kandidaturu prihvatio samo na 1. godinu dana te da bi bio sretan da ne postoje Statutarne prepreke da se za predsjednika UO imenuje Adnan Smailbegović, koji je jako ugledan privrednik.

Ponovno je predložio da se izbori odgode ili da se gđin. Čengić izabere na 1. godinu dana te da nakon tog afunkciju preuzme Smailbegović.

Obzirom da prijedlog gđina. Čengića nije podržan te da je većina članova insistirala da se pristupi glasanju bez obzira na statutarne prepreke gđin. Safudin Čengić je odustao od kandidature kojem je on predložen za Predsjednika. Predložio je da se izabere dvojica potpredsjednika te da se pristupi izborima tek nakon što se za to steknu uslovi.

Prijedlog članova UO je bio da se na sjednici mora izabrati Predsjednik te da Udruženej do izbora Predsjednika ne može ostati bez osobe koja će voditi Udruženej poslodavaca FBiH.

Obzirom da Statut ne definiše situaciju u slučaju da se ne izvrši izbor Predsjednika, te da do sada nije postojala ova praksa gđin. Čengić je istakao da obzirom da je povukao svoju kandidaturu te da drugi kandidat ne ispunjava uslove te da ne postoje kandidati za Predsjednika po Statutu.

Nakon diskusije gđin. Čengić je stavio na prijedlog da se izbori odgode za narednu sjednicu a da do tada Udruženje vodi rukovodstvo.

Obzirom da Upravni odbor nije podržao prijedlog gđina Čengića, gđin. Mladen Pandurević je istakao da se na sjednici mora izabrati osoba koja će voditi UPFBiH do izbora novog Predsjednika UO i dva podpredsjednika UO UPFBiH.

Za v.d. Predsjednika predloženi su Tomislav Slišković i Milenko Čolak.

Predsjednik je zamolio prisutne da se izjasne o prijedlozima.

Nakon diskusije i iznesenih prijedloga od strane svih članova UO donesen je sljedeći:

ZAKLJUČAK: Upravni odbor je jednoglasno usvojio Odluku da se izbori Predsjednika i dva Potpredsjednika odgode za narednu sjednicu UO. Za v.d. Predsjednika UO većinom glasova (12 glasova za) imenovan je Milenko Čolak, Lager Posušje d.o.o. Gđin. Milenko Čolak će vršiti dužnost Predsjednika do izbora Predsjednika i dva potpredsjednika UO UPFBiH.

Tačka 2. Izbor i imenovanje Izvršnog odbora

Gđin. Milenko Čolak se zahvalio na izboru i nastavio voditi sjednicu UO. Vezano za ovu tačku dnevnog reda UO je predložio da se ova tačka također odgodi za narednu sjednicu obzirom da nije izvršen izbor Predsjednika i dva podpredsjednika UO a koji prema Statutu istovremeno vrše i funkciju Predsjednika i dva podpredsjednika Izvršnog odbora.

Nakon glasanja donesen je sljedeći:

ZAKLJUČAK: Izbor i imenovanje izvršnog odbora se odgađa za narednu sjednicu UO.

Tačka 3. Definisanje principa za vođenje pregovora i zaključivanje granskih kolektivnih ugovora;

Vezano za ovu tačku dnevnog reda gđin. Pandurević je ukratko informisao prisutne da je Vlada FBiH dostavila upit vezano za granska kolektivna pregovaranja te bi se UO trebao izjasniti po pitanju vođenej pregovora i zaključivanja granskih kolektivnih ugovora.

Nakon veoma otvorene diskusije u kojoj su učestvovali svi članovi UO doneseni su sljedeći:

ZAKLJUČCI: Upravni odbor je jednoglasno usvojio sljedeće zaključke:

- 1) Rješenjem o reprezentativnosti Udruženja poslodavaca FBiH koje je donijelo Ministarstvo rada i socijalne politike FBiH broj: UPI 03-34/13-37/15 od 04.02.2016. godine, Udruženju poslodavaca FBiH je onemogućeno da učestvuje u kolektivnom pregovaranju. Navedeno Rješenje odnosno njegov stav 2. kojim je utvrđena reprezentativnost Udruženja poslodavaca FBiH za poslodavce članove Udruženja u djelatnostima za koje ima organizacione dijelove osnovane kao grupacije za određena područja djelatnosti, izuzev onih članova Udruženja koji u vlasničkoj strukturi imaju učešće državnog kapitala, je u potpunosti u suprotnosti sa Zakonom. Potpuno je pogrešno mješati status poslodavca sa oblikom vlasništva. Sve dok se to Rješenje ne uskladi sa Zakonom, UPFBiH neće biti u mogućnosti pristupiti kolektivnom pregovaranju.

Imajući u vidu da se kolektivno pregovaranje temelji na principu dobrovoljnosti, te da ne postoji obaveza za sklapanje kolektivnih ugovora, Udruženje poslodavaca u FBiH ipak ima interes za pregovaranje i zaključivanje granskih kolektivnih ugovora, te će u dobroj vjeri pristupiti kolektivnom pregovaranju kada se za to steknu uslovi. Stoga predlažemo Vladi da u što kraćem roku donese Rješenje o reprezentativnosti UPFBiH u skladu sa Zakonom i međunarodnim propisima, koje će Udruženju poslodavaca u FBiH omogućiti da pristupi kolektivnom pregovaranju;

- 2) Udruženje poslodavaca FBiH će insistirati da se prilikom pregovaranja i zaključivanja granskih kolektivnih Ugovora prvenstveno poštuju ratificirane Konvencije MOR-a br. 87 o slobodi udruživanja i zaštiti prava na organiziranje, br.98 o pravu na organiziranje i kolektivno pregovaranje, br.144 o tripartitnim konsultacijama, broj 154 o promociji kolektivnog pregovaranja, te domaći propisi;
- 3) Kolektivno pregovaranje i zaključivanje granskih kolektivnih ugovora je bipartitno. Udruženje poslodavaca u FBiH kao reprezentativno udruženje ima ulogu pregovarača u svim granskim kolektivnim Ugovorima koji će se potpisivati, osim za šumarska gazdinstva imajući u vidu da su šumarska gazdinstava u potpunosti u državnom vlasništvu;

- 4) Predlažemo da Vlada Federacije BiH imenuje jedan dio pregovarača u pregovarački tim na strani poslodavaca za granske kolektivne Ugovore u kojima postoji interes Vlade za društva sa većinskim državnim kapitalom;
- 5) Predlažemo Vladi da nakon potpisivanja svih granskih kolektivnih ugovora, donese Odluku o proširenju primjene potpisanih Granskih kolektivnih Ugovora na sve poslodavce za odgovarajuću djelatnost obzirom da za to postoji javni interes.

Tačka 4. Razmatranje i usvajanje materijala za sjednicu ESV (Zakon o uvezivanju staža)

Vežano za ovu tačku dnevnog reda gđin. Mladen Pandurević je informisao prisutne da je od ukupno 6 uloženi amandmana od starne UPFBiH 3 u potpunosti usvojene i 1 djelimično usvojen. Predložio je da članovi delegacije na sjednici ESV-a trebaju da i dalje insistiraju na usvajanju preostalih neusvojenih amandmana. Posebno ne treba odustati od amandmana na član 14. Zakona o uvezivanju staža koji se odnosi oslobađanej kompanija sa većinskim državnim kapitalom od plaćanja doprinosa i vraćanja sredstava koje je Vlada FBiH obezbijedila putem kredita. Naime, članom 14. definisano je da će se obezbijedena sredstava od strane privatnih subjekata vratiti u roku od 10 godina Vladi FBiH dok su izuzeta društva sa većinskim državnim kapitalom. UPFBiH smatra da je ovako rješenje u potpunosti neprihvatljivo te da sva privredna društva bez obzira na učesće kapitala trebaju uu određenom roku vratiti obezbijedena sredstva.

ZAKLJUČAK: Delegacija poslodavacau ESV-u će i dalje insistirati na usvajanju preostalih neusvojenih amandmana UPFBiH koji se odnose na član 8.9.10.11. i 14.

Tačka 5. Tekuća pitanja

Pod tekućim pitanjima razmatralo se Nacrtu Zakona o izmjenama i dopunama Zakona o akcizama u BiH koji je donio UO UIOBiH.

Vazano za ovo pitanje gđin. Tomislav Slišković i gđin Edin Ibrahimpašić su upoznali prisutne da Grupacija pivarske industrije pri VTK i Grupacija bezalkoholnih pića i voda su uputile svoje stavove Minisatsrtvu vanjske trgovine i ekonomskih odnosa ističući da je povećanje akciza na pivo i bezalkoholna pića i vode koje je predviđeno navedenim Zakonom, neprihvatljiva te da će domaća privreda pretrpiti ogromne štete u smislu smanjenja proizvodnje, zaposlenih te razvoja crnog tržišta.

Gđin. Slišković i Ibrahimpašić su zamolili UO da zauzmu tsva da je UPFBiH protiv povećanja akciza da da se treba naći drugi način za punjenje budžeta.

Nakon diskusije donesen je sljedeći:

ZAKLJUČAK: UO je podržao stavove Grupe VTK ističući da VTK treba biti nosilac aktivnosti a da će UPFBiH u potpunosti podržati sve aktivnosti koje budu pokrenute vezano za Nacrt Zakona o izmjenama i dopunama Zakona o akcizama u BiH.

Sjednica se završila u 14:30 sati

Zapisnik sačinila: Mersiha Jusić

Predsjedavajući sjednice UO

Milenko Čolak, v.d. Predsjednika